

之游沐浴書頌云歲久樂希夷光明性燭輝靈通三島路氣結
六銖衣放曠無拘束逍遙出是非默然無一事鶴馭綵雲歸書
畢曲肱而逝目光炯然數日不落備禮葬於了真菴側平生歌
詩號曰明源集行於世矣

柳開悟

先生陝右坊州人姓柳氏諱開悟字巨濟道號無染子性聰敏
少言家富不喜華飾業進士博識強記能屬文再赴廷試而還
鄉中以才名推爲州學錄大定壬辰春因游長安遇丹陽宗師
與之語及贈以詞先生有所開悟遂捨家從之游居劉蔣祖菴
踰十年於道大有所進與曹瑱來靈玉劉真一李大乘雷大通

道藏輯要

祖庭內傳

七

翼集一

六三三

李大莖趙九淵輩俱在丹陽門下時人稱之曰玄門十解元丹
陽東歸先生與諸公亦從行迨丹陽上仙先生於明昌間奉長
春宗師命演化燕薊旣而遷固安之棲玄菴以崇慶改元壽終
兵後乙巳冬十月清和真人移葬於五華山庚戌冬掌教眞常
真人奉上命贈明玄崇德無染真人號仍作墓碣銘

任守一

先生姓任氏諱守一道號自然子世爲京兆鄠縣之農家體幹
魁梧曾襟開朗不拘小節性喜射獵一夕夢鬼使攝入陰府歷
見罪囚校對拷掠之事覺而有悟因毀弓折矢對天自盟願改
前非以新厥德徑詣劉蔣祖菴丹陽宗師門下求受道業丹陽